

**ANG**

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 13
Hulyo 7, 2005
www.philippinerevolution.org

Editorial

Gamiton ang gahum sang banwa para sipaon ang rehimeng Arroyo

Ginapangayo sang subong nga sitwasyon ang dugang nga katutom sa pagtipon sang nagahiliusa nga kusog sang pumuluyo para bunalan kag tapuson na ang garuk kag ginakangil-aran nga pagginahum Arroyo. Sa atubang sang padayon gihapon nga pagkapyot ni Gloria Arroyo sa trono, nagalanog ang singgit sang banwa kag ginalunsar ang mga malaparan kag madakuan nga paghulag para gilayon tapuson na ang subong nga nagaharing guban.

Nagapadulong ang sitwasyon sa paglupok sang panibag-ong malaparan nga pag-alsa sang pumuluyo para agumon ang ginainsister sang pumuluyo nga gilayon nga pagbag-o. Nagaserbi man nga tuman kapaborable nga kahimtangan ini para sa pagpadasig sang pagsulong sang demokratikong rebolusyon sang banwa kag pagtung-tong sini sa mga masunod nga lebel sang subong nga halintang sang inaway banwa.


Ginkaakig sang daku sang pumuluyo ang ipokrita nga pag-ako ni Arroyo nga iya matuod ang tingog sang babaye nga yara sa teyp sang Gloriagate nga nagsugilanon sa isa ka upisyal sang CO-MELEC kag amo man ang pilit niya nga pagbalibad nga gindaya nila

ang resulta sang nagligad nga piniliay. Bag-o pa ini, madugay na nga ginakaugtan sang pumuluyo ang mga pabug-at nga polisiya sa ekonomya sang rehimeng Arroyo nga nagatuga sang labaw nga pag-antos kag ang pasingki nga pagpamigos sa mga pwersa nga nagapamatuk diri.

Sa atubang sang mga ini, wala-tuo ang mga manibrang ligal kag pulitikal sang rehimeng Arroyo para gamuhon kag patahawon ang isyu, naglubid sang dugang nga mga kabutigan, lituhon kag tiplangon ang pumuluyo, likawan ang mga layi kag proseso sang hustisya kag sa ulihi maabswelto si Arroyo. Samtang ginapursiger sang mga pwersang anti-Arroyo ang mga prosesong par-

lamentaryo lakip ang paghimo sang mga pangpubliko nga imbestigasyon, tuso nga ginatinguhaan barahon ukon maniobrahon ang mga ini sang mga idu-idu ni Arroyo sa kongreso kag iban pa nga instrumento sang reaksyunaryong guberno.

Sa atubang sang mga pagpaniplang, pagmaniobra kag pagpakatig-a ni Arroyo, ginahakos sang pumuluyong Pilipino ang kinahanglanon para sa ila direktang paghulag kag paggamit sa gahum sang pumuluyo agud pukanon siya sa poder. Ginasulong subong sang nagkalain-



Mga tampok sa isyu nga ini...

Ilisipon na ang adlaw ni Arroyo sa Palasyo
PAHINA 3

70 armas naagaw sg BHB sadtong Hunyo
PAHINA 4

Duguon ang kamot ni Palparan sa Eastern Visayas
PAHINA 6

lain nga pwersa ang tanan nga possible paagi agud ibuyagyag ang kamatuoran bahin sa mga krimen ni Arroyo. Nagapalapad nga nagapalapad ang mga paghulag sa bilog nga pungsod. Madasig nga natipon ang nagkalain-lain nga sangkap agud liwat maglupok ang panibag-ong malahiganteng pag-alsa sang pumuluyo.

Sa kahadlok nga liwat maglupok ang mga malaparan nga pag-alsa sang pumuluyo sadtong 1986 kag 2001, nagakadasma subong ang Malakanyang kag ang iban pa nga reaksyunaryo agud patahawon ang init kag makahimo sang mga pamaagi para maresolbar ang subong nga pangpulitika nga krisis sang nagaharing sistema sa paagi nga masalbar pa si Arroyo kag indi matay-og ang nakatindog nga mga reaksyunaryong institusyon.

Pinakaulihi sa mga pangpulitikang maniobra nga ini ang pagtanyag nga bag-uhon ang reaksyunaryong konstitusyon sa rason nga "nadunot" na ang sistemang pangpulitika. Kasunod sini, sa baylo nga magbiya, ang mga upisyal sang kabinete niya nga nagahingyo nga pagbiya siya amo ang iya subong ginapabiya. Sa amo nga mga tikang,

liwat ginalikawan ni Arroyo ang responsibilidad niya sa mga hilikuton nga garuk, malain kag kriminal.


Antes ini, ginahangkat sang Malakanyang ang mga pwersang anti-Arroyo nga magpasaka sang kaso nga *impeachment* nga pat-ud mapaslwan ini bangud sa malapad sini nga mayorya sa kongreso. Maat-hag nga wala sang iban nga nagkagat diri luwas sa mga alyado kag ka-partido man ni Arroyo.

Ginaduso naman sang iban nga reaksyunaryo ang opsyon sang pagsal-i ni Noli de Castro kay Arroyo bilang "ginpili" nga bise presidente. Bisan nangin parte man siya sa pagdinaya sa nagligad nga eleksyon, nagadali-dali ang mga nagaduso sa pagsal-i ni de Castro nga pagguwawon malimpyo siya kag may ikasarang mamuno, baliskad sa pagpati sang kadaman-an. Tuyo sang mga manio-bra nga ini nga pungan ang nagabilog nga panibag-ong bagyo kag paglupok sang panibag-ong malaparan kag madakuan nga pag-alsa sang pumuluyo. Ginakakulbaan man nila ang posibilidad nga kon matabo ini, mahimo indi na lamang ini malimita sa simpleng pagbaylo sang presidente. Labaw gid sila nga nagakulba sa pag-angkon sang di-

rektang papel sang pumuluyong Pilipino sa pagbag-o sang pangpulitikang pagginahum sang mga reaksyunaryo. Ginapagguwa nila nga isa ka makakululba nga bagay ang nagabaskog kag nagalapad nga demanda para gilayon nga ibaylo sa garuk, makitid kag elitistang pagginahum ang bag-ong nga porma sang pangpulitikang pagpamuno nga may malapad nga direktang partisipasyon sang nagakalain-lain nga demokratikong pwersa kag sektor sang sosyedad, magpatuman sang malahalon nga gilayon nga reporma kag makahatag-dalan sa pagpasulong sang paghimakas para sa dugang pa nga sandigan nga reporma.

Nagakuros subong ang Malakanyang, ang pamunuan sang AFP kag PNP kag mga kadampig nila nga sara-dong reaksyunaryo agud magpaandam nga ang pwersahang nga pagpahalain sa rehimen "lapas sa konstitusyon," ilimita sa mga inutil kag kontrolado nila nga proseso ang paglubad sa krisis, hambalon nga "kapoy na" ang pumuluyo sa "people power" kag magsabwag sang mga anti-komunistang pagpamahug sa pumuluyo.

Pilit nga ginatakan sang linya nga ini ang kamatuoran nga mas malahalon kag makagagahum ang interes, kinamatarung, kag kahilwayan kag ang nagahiliusa nga paghulag sang pumuluyo sangsa sa mga limitado nga nagaluntad nga pangpulitikang institusyon kag proseso. Kon nagpakontento ang pumuluyo sa mga proseso nga "ginatakda sang konsitusyon," wala tani matabo ang mga pag-alsa sang pumuluyo sadtong 1986 kag 2001. Nagadoble-kara ang mga reaksyunaryong pulitiko sa amo nga mga halambalanon: ginatapalan nila ang "pagkasagrado" sang ila konstitusyon kon bentaha ini sa ila pero ginapahigad nila ini kon makasablag ini sa ila interes ukon paghandum sang gahum. Ginatakan man ang amo nga linya sang mga reaksyunaryo nga ang mga makabenepisyo sa subong nga

 <p>Tuig XXXVI No. 13 Hulyo 7, 2005</p> <p>Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa Philippine Revolution Web Central nga makit-an sa:</p> <p>www.philippinerevolution.org</p> <p>Nagabaton ang <i>Ang Bayan</i> sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: angbayan@yahoo.com</p>	
<p>Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas</p>	

Kaundan	
Editorial	
Gamiton ang gahum sang banwa para sipaon ang rehimen Arroyo	1
Ilisipon na ang adlaw ni Arroyo	3
Paltik nga pagpangayo sang pasaylo ni Arroyo	4
Nagabilog nga bagyo	5
Madinalag-on nga TO	
Siyam ka inaway sa 12 adlaw	5
70 armas naagaw sadtong Hunyo	7
Oplan Nazareth	8
Ngaa ginainitan ang Andap Valley?	9
Kahublagang pamatanon-estudyante sa Mindanao	10
Pagpanghalit sg pasistang estado	
Duguon ang kamot ni Palparan sa Eastern Visayas	13
Balita	14

areglo amo ang “kapoy na” sa paghulag para sa pagbag-o. Tubtub indi desaysibo madula ang mabug-at kag sandigan nga problema nga ginapas-an sang banwa, wala kakapoy nga maghimakas kag mag-alsa ang masa sang pumuluyo.

Ang mga dalagkuan nga direktang paghulag sang pumuluyo para iguhit ang kaugalingon nila nga dalan kag agumon ang mga pagbag-o paliwat-liwat nga matabo kadungan sang pagsulong man sang armadong paghimakas. Sa kada kahigayunan, nagapaunod ang rebolusyonaryong kaundan kag porma sang amo nga mga paghulag tubtub sa lubos nga maagum ang kinahanglan nga sandigan nga istorikal kag sosyal nga pagbag-o.

Ang subong nga krisis pangpulitika patimaan lamang sang dugang nga pagsingki sa krisis sang bilog nga nagaharing sistema. Mabug-at na katama nga pasanon sang banwa ang subong nga rehimen kag kinahanglan gilayon nga pukanon ini. Malahalon katama nga makabulig ang Partido kag rebolusyonaryong kahublagan sa pagkumbinse sa malapad nga masa sang pumuluyo nga liwat tipunon ang ila makagagahum nga kusog kag gamiton ini para sipaon ang subong nga rehimen kag tukuron ang isa ka bag-o nga gubyerno nga magapaturan sang gilayon nga kinahanglanon nga pagbag-

o. Kabahin lamang ini sang nagapadayon nga pagpasulong sang bag-ong demokratikong rebolusyon para tapuson ang garuk nga malakolonyal kag malapyudal nga nagaharing sistema kag tukuron ang sistema nga matuod-tuod nga hilway, demokratiko kag matarung.

Tubtub indi desaysibo nga madula ang subong nga garuk nga reaksyunaryong sistema, nagapadayon lamang nga magalala ang krisis sang katilingban kag magalupok kag magalupok ang amo sini nga mga hitabo. Sa kada kahigayunan nga maayo nga natib-ong sang Partido kag sang rebolusyonaryong kahublagan ang pangkon sang pumuluyo sang mga benepisyo paagi sa kaugalingon nila nga paghulag, matun-an sang pumuluyo mismo paagi sa ila eksperensya kon ano ang husto nga dalan padulong sa pangkatilingban nga pagbag-o. Ginapalapit ang pumuluyo sa rebolusyonaryong dalan. Napabaskog lunsay ang armadong rebolsuyon kag ang demokratikong kahublagan sang pumuluyo kag ang ika-sarang sang mga ini nga hangkaton ang reaksyunaryong gahum kag ipamilit ang interes sang banwa. Nakatipon man ang rebolusyonaryong kahublagan kag ang pumuluyo sang malahalon nga kongkretong kadalag-an nga magaserbi nga tungtungan para sa pag-angkon sang lubos nga kadalag-an.

AB

Ilisipon na ang adlaw ni Arroyo sa Palasyo

Nagalapad nga nagalapad ang kubay sang pumuluyo nga nagasinggit sang pagbiya ni Pres. Gloria Arroyo. Indi lang pila ka grupo nga sadtong una nagakiya-kiya nga magpahayag sang maathag nga tindog kaangot sa mga iskandalo nga “Gloriagate” ang hayagan na subong nga nagaisa sa panawagan nga magpanaug na ang presidente.

Ang daw kalayo nga paglapta sang pagpanawagan ginbunga sang pag-ako ni Arroyo sadtong Hunyo 27 nga ginsugilanon matuod niya ang isa ka upisyal sang COMELEC sadtong panahon sang eleksyon 2004. Naggatong lamang ini sa madugay na nga nagakaakig nga pumuluyo.

Ang kaakig sang pumuluyo ginasalaming kag ginpatampok sang pamulong-pulong sadtong Hunyo 29 ni Susan Roces, balo ni Fernando Poe Jr., para kundenahon ang kawala’y huya sang pangulo.

Bisan ginapangin-wala ni Arroyo nga pagdinaya ang katuyuan sang gin-ako nga pagsugilanon sa COMELEC, indi tampusaw ang isip sang pumuluyo. Ginakumpirma ini bisan sang

pinakaulihi nga sarbey sang Social Weather Stations, kon sa diin nagagawa nga anum sa kada napulo ka pumuluyo sa Kamaynilaan ang nagapati nga pagdaya ang yara sa likod sang nabuyagyag nga pagsugilanon. Suno naman sa sarbey sang Pulse Asia, 61% sang mga Pilipino gusto nga pahalinson na si Arroyo sa pwesto.

Libu-libo ang nagaentra sa mga hublag protesta nga ginalunsar sang nagakalain-lain nga grupo kag sektor sang sosyedad.

Pinakaulihi nga nagdugang sa nagalapad nga anti-Arroyo nga kubay amo ang Manila Public School Teachers’ Association, Alliance of

Concerned Teachers, National Council of Churches in the Philippines, mga manunudlo sang UP College of Law, mga manunudlo kag estudyante sang De La Salle University kag mga estudyante sang Ateneo de Manila University.



Nauna diri nagpagguwa man sang amo nga pahayag ang Committee for the Defense of Lawyers (CODAL) kag Free Legal Assistance Group (FLAG), daku nga organisasyon sang mga abugado. Ginbalibaran naman sang Cebu chapter sang Integrated Bar of the

Philippines ang pagpangayo ni Arroyo sang ila suporta kag sa baylo naghiusa man ang organisasyon sa panawagan nga magbiya siya sa pwesto.

Apat nga arsobispo sang simbahan Katoliko ang nauna nga nana-wagan nga magbiya na si Arroyo kag hatagan dalan ang pagtukod sang

transisyunal nga gubyerno. Suno kan-day Arsobispo Julio Xavier Labayen, Deogracias Iniquez, Antonio Tobias kag Oscar Cruz, wala na sa moral nga kahimtangan si Arroyo para pamunu-an ang pungsod. Si Arsobispo Gaudencio Rosales sang Maynila naman ang nagpahayag nga kulang para kay Arroyo ang magpangayo sang pasaylo. Maukod nga ginasundan sang pumuluyo ang mga upisyal sang simbahan Katoliko kon isalaming nila ang malapad nga panawagan para sa pagpahalin kay Arroyo.

Pati ang AFP ginatay-og man sang krisis. Nagalapta ang mga balita nga may mga grupo sang upisyal militar nga nagahanda magsuporta sa pagpahalin kay Arroyo. Sining Hulyo 5, ginhayag ni Sen. Rodolfo Biazon nga isa ka grupo sang manubo kag nahanunga nga mga upisyal sang AFP ang nagahanda magbiya sang dulungan agud ipakita ang ila tindog sa isyu.

Kada adlaw labi nga nahamulag sa pumuluyo ang mga pwersa nga pilit nga nagadepensa kay Arroyo.

Nag-ani sang pagpakamalaut ang panawagan ni Corazon Aquino sadtong Hunyo 29 nga likawan ang mga pamaagi nga ekstra-konstitusyunal kag sa baylo ipaagi sa panga-di ang subong nga krisis. Sa isa ka pahayag, ginkundenar ni Jose Ma. Sison, puno nga konsultant sa pulitika sang NDFP, ang imoral nga pagdepensa ni Aquino sa garuk nga rehimeng Arroyo. Suno kay Ka Joma, si Aquino mismo ang nagapadipulos sadto sa pagpahigad sa pasistang konstitusyon kag lapnagon nga pag-alsa sang pumuluyo para pukanon ang diktaduryang Marcos.

Ginkaakig man sang madamu ang wala'y huya nga pagmaniobra sang mga idu-idu ni Arroyo sa kongreso para abangan ang pagguwa sang kamatuoran kaangot sa iskan-dalo. Kaladlawan nga pagbulag-bulagan sang mga kongresista sang administrasyon sa kamatuoran nga madugay na nga nahibal-an sang ban-

Nahanungod sa paltik nga pagpangayo sang pasaylo ni Arroyo

Kabuylog sang pumuluyong Pilipino ang Partido Komunista sang Pilipinas (PKP) kag bilog nga rebolusyonaryong hublag sa pagbasura sa paltik nga pagpangayo sang pasaylo ni Gloria Arroyo kag mga pagtinguha niya nga likawan ang iya ginbuhat nga pagdinaya sa eleksyon. Sayup ang paglaum niya nga may mapati pa sa iya mga buladas kag tinunto. Nagapati ang PKP nga ang sunod-sunod nga mga maniobra sang rehimeng Arroyo agud busalan ang kamatuoran magagatong lamang sa kaakig sang pumuluyo kag magatulod sa ila agud dalayon na siya nga pahalinon sa poder.

Sa nagligad nga mga simana, napaslawan ang mga pagtinguha sang rehimen nga buhusan sang malamig nga tubig ang paglapnag sang pagpakamalaut sang pumuluyo paagi sa sarisaring paniplang kag mahigko nga maniobra. Lakip na diri ang mga tuyo nga idumili ang pagpabati sang mga teyp nga nagaunod sang mga sugilanon sa tunga ni Gloria Arroyo kag Virgilio Garcillano kag pagpangamu sa tuyo nga idiskaril ang pangpubliko nga pagbista sini sa kongreso. Wala hawid nga ginatapna sini ang mga aksyong masa kag iban pa nga lehitimong porma sang protesta, pareho sang pagpadikit sang mga poster kag pati ang pangkon sang sikat kaayo nga "Hello Garci" ringtone. Madasig sini nga gintago si Garcillano, ginpaandam ang tanan nga nakatalana magtestigo sa mga pagbista kag nagbubo sang milyun-milyon agud suhulan ang iya mga idu-ido kag bayaran ang pagtinguha sang isa ka abugado nga magpasaka sang paltik nga kasong *impeachment* sa kongreso.

Wala sang naabtan ang mga baratuhon nga gimik ni Arroyo. Ginkumpirma lamang sini kag sang sugilanon Gloria-Garcillano ang madugay na nabal-an sang pumuluyo nga garuk ang kaidadalman sang bugos nga reaksyunaryong gubyerno, ang mga guban kag indibidwal nga nagapadalagan sini kag ang kuno mga demokratikong proseso nga nagabay diri.

AB

wa. Tuhtub Hunyo 29, tanan ginhi-mo nila agud atrason ang pagpabati sa kongreso sang nakarekord nga sugilanon nanday Arroyo kag Commissioner Garcillano sang COMELEC. Pero sa kakulba nga magkadto sa pag-alsa ang nagabaskog nga kahublagang anti-Arroyo, napilitan man sila nga magpasugot nga patunugon ang rekord.

Bunga man sang nagalapad nga kahublagan anti-Arroyo, nagatuhaw ang mga litik sa kubay sang nagharing guban. Sining Hulyo 7, nag-anunsyo si Arroyo nga pagpahalin niya ang bilog niya nga kabinete para unahan ang tuman kabaskog nga bunal nga igadulot sang plano

nga magbiya sang pila ka myembro sini masunod nga adlaw.

Patimaan man sang desperasyon sang rehimen, wala untat ang mga pagpamahug sini nga mahimo magkadto sa kalakasan ang mga protesta. Daku ang posibilidad nga mag-sabwag sang kalakasan ang gubyerno kag ipasibangud ini sa mga rebolusyonaryong pwersa agud pahugon kag paatrason ang kubay sang mga pwersa nga nagapamatuk sa pagpadayon ni Arroyo sa poder.

Pero ano man nga tikang ang himuon sang rehimen indi na makapugong sa nagahilapit sini nga pagkapukan. Ilisipon na ang adlaw sang rehimeng Arroyo.

AB



Nagabilog nga bagyo

Sining Hulyo 7, libu-libo ang nagtipon sa Liwasang Bonifacio agud ipamilit ang pagpahalin kay Gloria Arroyo. Pinakaulihi lamang ini sa serye sang nagapadaku kag nagapasunson nga mga paghulag sang pumuluyo batuk sa rehimeng Arroyo.



Bag-o ini, 20,000 katawo ang nagdagsa sa Makati City sadtong Hulyo 1 agud uyugon ang maluya nga sabat sang mga negosyante sa panawagan nga panaugon si Arroyo. Walo kalibo nga katapu sang Bangon Pilipinas ang naglunsar sang pulong agud ipahayag ang ila pusisyon sang adlaw man nga ina.

Sadtong Hunyo 30, nagtipon sa Plaza Miranda ang 4,500 katapu sang mga progresibong organisasyon samtang 1,500 mamumugon ang nagmartsa sa Makati. May ara man nga naghiwat sang iban nga porma sang protesta pareho sang *prayer rally* sadtong adlaw nga ina.

Natabo ang una sa dalagkuan nga rali sadtong Hunyo 24 kon sa diin 15,000 ang nagmartsa halin Sto. Domingo Church padulong tani sa Liwasang Bonifacio. Napilitan sila nga hiwaton ang ila programa sa Welcome Rotunda sang balabagan sila sang 1,000 pulis didto.

Sa tunga sang dalagkuan nga rali, naglunsar ang pumuluyo sang sarisaring mga protesta. Sining Hulyo 5, gin-umpishan sang mga progresibong manunulat ang pagpapirma sa internet para man sa pagpanaug ni Arroyo. Masako kada adlaw ang mga demokratikong organisasyon sa pagpaat-hag sang mga halambalanon, pagtipon sang mga pirma kag pagbuyok sa nagapadamu nga pumuluyo nga magtambong sa mga ginatalana nga paghulag. Nagalibot sila sa mga merkado, mga eskwelahan kag iban pang sentro sang populasyon.

Sa mga komunidad, hayagan nga ginapabati sang mga aktibista ang 31-minutong teyp nga sugilanon sa tunga ni Arroyo kag Garcillano. Sa nagkalain-lain nga bahin sang pungsod, mabaskog nga nagabenta ang nasambit nga mga sugilanon nga ginabalgya subong sang P20 kada CD.

Sa *internet* kag mga *text message*, nagapahayag sang protesta ang mga pamatan-on paagi sa mga *ringtone* nga nagadamu kada adlaw. Lapnagon man ang mga lahug nga nagatamay kay Arroyo kag iya mga kapamilya.

AB

Siyam ka inaway sa sulod sang 12 adlaw

Indi malutos ang BHB sa Ilocos-Cordillera


Sa sulod sang 12 ka adlaw, madinalag-on nga ginpaslaw sang isganang Pulang hangaway sang Agustin Begnalen Command (ABC-BHB) ang masingki nga sunod-sunod nga pagsalakay sang AFP sa mga pwersa sang BHB sa lindero sang Abra, Ilocos Sur kag Mt. Province.

Ginlunsar sang AFP ang dalagkuan nga operasyon sa lugar makaligad ang madinalag-on nga reyde sang mga Pulang hangaway sadtong Hunyo 4 sa Barangay Tiempo, Tubo, Abra kon sa diin nakakuha sang 30 armas ang BHB.

Masunod ang simple nga report sang ABC-BHB nga puno nga kakahas kag kabaganihan sang mga Pulang hangaway:

Hunyo 9. Nagsugod ang malaparan nga operasyon sa pagsulod sang gintingub nga mga pwersa sang 41st IB kag 50th IB sa lindero sang Abra kag Ilocos. Ginatantya nga 500 tropa halin sa duha ka batalyon ang gindeploy sa operasyon. Isa pa ka kumpanya halin sa 54th IB ang ginpwesto sa Agawa, Besao, Mt. Province para magserbi nga *blocking force* (pwersa pang-abang) pananglitan umatras ang mga Pulang hangaway didto. May mga reim-porment man halin sa 21st IB nga na-kaistasyon sa Kalinga. Ginpakat man sa erya ang 52nd kag 53rd Recon Coy sang PA.

Nabungguan sang isa ka kumpanya sang kaaway ang isa ka kampo sang BHB. Nagapasulod pa lang ang mga kaaway sang namuti-





kan gilayon sila sang mga pwersa sang BHB nga nakakampo didto. Ginpalukpan sang isa sa ila ang tatlong pwersa sang kaaway nga una nila nga nakita sa suba sa higad sang kampo. Samtang naga-inaway, madasig nga gimbayaan sang mga pwersa sang BHB ang kampo.

Naurongan ang mga kaaway pag-sulod sa kampo kag nag-atras man dayon sa isa ka malapit nga bungyod. Sang mahibal-an ini sang iban nga pwersa sang BHB nga nakapwesto sa katambi nga kampo, nagpadala ini sang isa ka lima katawo nga tim sang Pulang hangaway agud magtabang kag magbira sa kaaway. Naengkwentro sang tim ang mga kaaway sa bungyod nga gin-atras sang mga ini.

Hunyo 10. Ang iban pa nga pwersa sang BHB nga ara pa sa erya nag-tukod sang tatlo ka tim sang tiglima katawong isnayper nga ginlapta sa nagkalain-lain nga bahin sang bukid kag kagulangan sang kampo agud bantayan ang mga kaaway nga plano bumalik sa kampo. Bandang alas-2 sang hapon sang Hunyo 10, nasulod na sang kaaway ang kampo nga wala unod. Naengkwentro sang isa ka tim sang BHB ang isa ka grupo sang kaaway malapit sa kampo.

Hunyo 11. Nagdeploy liwat ang mga pwersa sang BHB sang isa ka tim malapit sa kampo para mamonitor ang hulag sang mga kaaway didto, isa pang tim para magbantay sa posible nga guwaan sang mga kaaway nga yara sa erya ukon pagasudlan sang mga bag-ong reim-porsment nila, kag isa pa para mag-serbi nga taga-observer sa iban pa nga posible nga agyan sang kaaway. Alas-7 sang aga, may nagsulod na nga mga reim-porsment sang kaaway

sa ginplastaran sang ambus. Pero sa damol sang palupok sang kaaway, umatras anay ang tim sang BHB samtang nagapalupok ang kaaway. Pagkatapos sang isa ka oras, bumalik ang tim sang BHB para padayunon ang pagbira sa mga reim-porsment. Samtang, napaaway ang tim sang BHB nga nagpalapit sang 10 metros sa kampo para dikitang ang mga kaaway nga yara didto.

Samtang naga-inaway, bandang alas-11 sang aga, duha ka helikopter ang nag-abot kag nagtuyo maghugpa sa banda sang kampo. Sang

mga limang metros na lang ang kalayuon sang mga ini sa Pulang hangaway, ginpalukpan nila ang mga ini. Umatras ang helikopter kag ang isa sini paekis-ekis na. Nabali-taan nga nahulog ini sa kalapit nga Sityo Matibwey, upod

ang naigo sini nga *machinegunner*, isa ka koronel kag isa ka tinyente.

Bandang alas-3 sang hapon, nag-abot ang isa ka eroplanong OV-10 Bronco kag sa sulod sang isa ka oras nagpalupok kag nangbomba sa lugar. Walo ka bomba ang ginhulog sini, pero lima lamang ang naglupok.

Daku nga kahuy-anan sang AFP bangud sadtong adlaw nga ina, madinalag-on nga gin-ambus sang mga Pulang hangaway sang Alfredo Cesar Command ang 50th IB sa Barangay Malaya, Cervantes, Ilocos Sur. Siyam ka suldado sang AFP ang napatay kag tatlo pa ang napilasan, lakip ang tinyente nga kumander nila. Pito ka mataas nga kalibreng armas ang naagaw sang BHB.

Hunyo 12. Naghulog sang anum pa nga dalagko nga bomba ang Bronco. Nagpalupok man sang pito ka *rocket*. Ginsundan ini sang pag-abot sang helikopter nga nagatuyo maghugpa sang mga suplay kag hakuton ang mga kaswalti sang kaaway. Pero ginpalukpan ini sang tim sang BHB nga nakadikit sa kampo gani wala liwat ini makahugpa.

Hunyo 13. Liwat pumwesto sa duha ka bungyod ang mga isnayper sang BHB. Bandang alas-11 sang aga nag-abot liwat ang Bronco, kandingan ang isa ka helikopter. Liwat naghulag ang mga ini sang walo ka bomba. Nakahugpa na ang helikopter, nakuha ang mga kaswalti kag naghulog sang suplay para sa mga kaaway.

Hunyo 13. Pakadto sa sirom, napaaway ang isa ka tim sang isnayper sa isa ka bungyod. Namatay diri ang isa ka Pulang hangaway. Gintuyo sang kaaway nga himuon nga paon ang iya bangkay. Wala na ini nakuha sang kaaway. Bandang 7:30 sang gab-i, nag-abot liwat ang eroplanong Bronco nga naghulog sang 15 bomba kag nagpaulan sang madamu nga *rocket* sa palibot.

Hunyo 18. Bangud sa gilayon nga kinahanglanon sa mga suplay, ginkadtuan sang isa ka tim sang BHB talaguan sang suplay sa isa ka kilid sang kampo nga kapot sang kaaway bandang alas-10 sang aga. Nagluntad liwat ang inaway. Kag, liwat, nag-abot ang helikopter sang kaaway agud magtabang sa mga pwersa nila. Nagpalupok ini sang pila ka bala sang 81 mm *mortar*. Umatras ang tim sang BHB.

Hunyo 19. Nagtipon sang isa ka platun sang BHB agud liwat mang-uha sang mga suplay sa kampo nga kapot sang kaaway. Nakakita sila sang mga kaaway sa dalan kag liwat napaaway. Inabot sang halin alas-10 sang aga tubtub alas-2 sa hapon ang engkwentro. Isa ka Pulang ha-



ngaway ang nag-angkon sang minor nga pilas. Sa kadamu sang kaswalti sang kaaway, napwersa sila nga umatras. Ginpadayon sang platoon sang BHB ang pagkuha sang mga suplay.

Hunyo 20. Nahibal-an sang mga hangaway nga paatras na ang kaaway halin sa erya sang operasyon. Ang platoon nga nanguha sang mga suplay nagpwesto liwat sa alagyan sang mga kaaway para ambuson ang mga tropang nagsugat na sang mga kaswalti kag paatras na. Ikog na lamang sang kolum sang kaaway ang nakita nila. Gindesisyunan nga indi na lang ini birahon.

Ginatantya sang ABC-BHB nga indi magnubo sa 15 ang napatay nila nga kaaway sa napulo ka inaway nga natabo sa sakup sang tatlo ka matag-as nga bukid kag lima ka baryo sa linderro. Sa sulod sang 12 adlaw, mapag-on nga ginbatuan kag ginpaslaw sang pila ka pulo nga Pulang hangaway ang masobra 500 kaaway nga suportado pa sang mga salakyan pangkahanginan kag pangbomba.

Bisan nagdalum ang mga mata sa kapoy kag kulang tulog sa sunod-sunod nga inaway, sa bug-os nga panahon nagapabilin nga mataas ang moral sang tanan nga Pulang hangaway didto. Maayo nga namentenar nila ang kaisog kag ispiritu nga mapang-away. Nangin makahason kag matinugahon sila sa paggamit sang taktika kag teknika sa pagpakig-away. Nangin maayo sila sa kabilugan ang pagdala sang kumand kag koordinasyon sang magagmay kag lapta nga yunit nga gindeploy sa matag-as nga bukid kag mabudlay nga tereyn nga sakup sang inaway. Liwat ginpakita sang mga Pulang hangaway didto nga indi malutos ang hangaway sang banwa sang garuk nga reaksiyunaryong tropa. **AB**

70 armas naagaw sang BHB sa bulan sang Hunyo

Indi magnubo sa sitenta (70) ka armas ang nadugang sa arsenal sang Bag-ong Hangaway sang Banwa (BHB) sining bulan sang Hunyo halin sa mga taktikal nga opensiba nga ginlunsar sini batuk sa mga tropa sang rehimeng US-Arroyo sa nagkalain-lain nga bahin sang pungsod. Ang pinakaulihi nga nadugang amo ang bunga sang madinalag-on nga operasyon sa Bukidnon, North Cotabato kag Western Samar. Sa idalum ang pila ka detalye sag nasambit nga mga taktikal nga opensiba.

Antes ini, base sa paglista sang *Ang Bayan*, may naunang 37 nga nanarisaring kalibreng armas nga nakumpiska sang mga yunit sang BHB sa bulan lamang sang Hunyo sa rehiyon sang Ilocos-Cordillera. Trenta (30) armas sa pagsalakay sa detatsent sang Philippine Army sa Timpopo, Tubo, Abra (Hunyo 3); kag pito sa ambus sa Bessang Pass, Cervantes, Ilocos Sur (Hunyo 13).

Maathag sa mga kadalag-an nga ini nga wala unod ang ginabalita sining karon lang sang mga propagandista sang rehimen nga kuno nagahina kag padayon nga nabuhinan ang kubay sang rebolusyonaryong hangaway sang banwa.

24 armas, naagaw sa reyd sang BHB sa North Cotabato

Baynte'y kwatro ka nanari-saring kalibreng armas ang naagaw sang gintingub nga pwersa sang Magtanggol Roque Command, Herminio Alfonso Command kag Ka Paking Guimbaolibot Red Partisan Brigade sang Bag-ong Hangaway sang Banwa (BHB) sa ginhimo nga reyd sa istasyon sang Philippine National Police (PNP) sa Magpet, North Cotabato sadtong alas-6 sang gab-i sang Hunyo 26.

Halog nga nakasulod ang mga Pulang hangaway sa istasyon sang pulis gamit ang taktika nga paglansi. Nagpakuno-kuno sila nga mga pulis nga may dala nga priso. Daku nga kakibot na lamang sang mga pulis sang magpanaug sa salakyan ang iban pa nga Pulang hangaway. Wala na sila nakabatu.

Sa isa ka pahayag, ginsiling ni Rigoberto Sanchez, tagapamaba sang Merardo Arce Command (MAC) sang BHB-Southern Mindanao Region nga ang reyd pamatuod sang padayon nga pag-uswag sang ikasarang sa paniktik kag operasyon sang BHB. Yabi diri ang suporta sang pumuluho nga naghatag sang malahalang nga impormasyon kag bulig.

Mabaskog man nga sampal ang reyd kay Gob. Emmanuel Pinol sang North Cotabato kag utod niyang si Efren Pinol nga alkalde sang Magpet. Siling sang MAC, nagakadapat lang nga silutan ang himbunanay Pinol-AFP bangud sa ila pagpami-gos sa pumuluho sa prubinsya paagi sa pwersahan nga pagpalapad sang mga higanteng korporasyong agribisnes, pagtukod sang mga grupo paramilitar kag pagpasingki sang mga operasyon sini agud palawigon ang ila kontra-pumuluho





nga pagginahum.

Scout Rangers, dinisarmahan sa Bukidnon

Lubos nga nasorpresa kag wala na makabatu ang duha ka tropa sang Scout Rangers nga nagaserbi nga gwardya sang isa ka *poultry farm* sa Dalwangan, Malaybalay, Bukidnon sang lusubon ini sang ginpagamay nga platun sang Rexan Perez Command sang BHB sadtong Hunyo 30. Pagpanag-iya sang isa ka daku nga negosyante ang nasambit ga manukan.

Suno sa report ni Ka Cesar Renerio, upisyal nga tagapamaba sang BHB-North Central Mindanao, napunpon sa reyd ang tatlo ka M16, tatlo ka M203 *grenade launcher*, isa ka KV *submachinegun*, isa ka pares sang *night vision goggles*, isa ka *portable global position system* (GPS) *receiver* kag isa ka *base radio*. Bangud sa wala naman sang utang nga dugo sa pumuluyo, ginbuhi-

an sang BHB ang duha ka bayaran nga militar.

Madugay na nga nakaatras ang mga hangaway bag-o mag-abot ang mga panabang nga pwersa sang 4th ID nga may kadungan nga duha ka MG-520 *helicopter gunship* halin sa Cagayan de Oro City.

2 riple, naagaw sa ambus sa Samar

Isa ka M16 kag isa ka M14 ang nakumpiska sang Bag-ong Hangaway sang Banwa (BHB) sang ambuson sini ang mga elemento sang 81st Recon Coy nga lulan sang isa ka salakyan sa Barangay Balante, Basey, Samar sadtong Hunyo 28. Lima ka suldado ang namatay sa ambus. Sa malain nga palad, napatay man ang asawa sang suldado nga nag-upod sa salakyan. Libre nga nakaatras ang mga Pulang gerilya kag ulihi na nag-abot ang duha ka helikopter nga Huey nga ginpadala para lagson ang mga Pulang hangaway. AB

Militarisasyon sa Andap Valley, Surigao del Sur


Ang kamatuoran sa likod sang Oplan Nazareth

Halin katapusan sang Abril tubtub katung-angan sang Mayo, ginlunsar sang Armed Forces of the Philippines (AFP) ang Oplan Nazareth, isa ka daku nga kontra-rebolusyonaryong kampanya militar sa Andap Valley sa Surigao del Sur. Indi magnubo sa apat ka batalyon sang Philippine Army kag isa ka kumpanya sang Scout Rangers ang nagsuyod sa mga kabukiran nga bahin sang mga banwa sang Lianga, San Agustin, Marihatag, Cagwait, Tago kag San Miguel.

Katuyuan sang Oplan Nazareth nga tapnaon ang rebolusyonaryong pagbatu sang pumuluyo kag lupigon ang Bag-ong Hangaway sang Banwa (BHB) sa lugar kag hatagan-dalan ang operasyon sang dalagku nga kumprador kag dumuluong nga kapitalista sa pagmina kag pagtroso.

Bilang paghanda sa malaparan nga kampanya militar, isa ka "probing operation" ang ginlunsar sang 58th IB sadtong ulihi nga bahin sang 2004 agud tantyahon kuno ang kusog sang BHB sa lugar. Nag-angkon ang mga pwersa sang AFP sang mga kaswalti sang gin-isnaysang mga hangaway sang BHB-Pulang Diwata Command (PDC) sadtong Disyembre 16 malapit sa Sabang River, Marihatag.

Ginsundan ini sang mas daku nga operasyon sadtong Marso 27 kon sa diin apat ka kolum sang 58th IB ang ginlarga sang kaaway sa lugar. Ginambus sang isa ka tim sang BHB-PDC ang isa ka kolum sadtong Abril 3 sa Km. 23, Marihatag. Isa ka suldado ang namatay kag anum ang napilasan. Isa ka M16, isa ka pares nga *night vision goggles* kag isa ka rifle





scope ang nakumpiska halin sa kaaway sa taktikal nga opensiba nga ini.

Sa idalum sang pagpamuno sang 4th ID, dugang pa nga ginpalapad ang mga operasyon militar halin Abril 28 tubtub Mayo 15. Duha ka batalyon sang Special Forces ang naghimo sang operasyon, luwas pa sa 36th kag 58th IB, 42nd Deep Reconnaissance Coy kag Scout Rangers Coy Class 158-04. Naggamit sila sang mga OV-10 *Bronco bomber plane*, MG-520 *helicopter gunship* kag 105 kag 155 mm *artillery gun*.

Halin Mayo 2 tubtub Mayo 12, apat ka beses nga ginharas sang BHB ang mga tropa sang AFP. Sa kada hitabo, luwas sa mga kahalitan nga ginatuga sang isnayping,

nag-agum sang dugang nga kaswalti ang mga kaaway sa sobra nga pagkataranta nga sila-sila na ang nagluthanganay. Sadtong Mayo 2, luwas sa duha ka tropa sang kaaway nga napatay sa isnayping sang BHB sa Sabang River, lima pa sang napatay sang magkinagamu kag ginpalukpan nila ang kada isa sa ila. Pinakadaku nga kaswalti ang gin-angkon sang AFP sadtong Mayo 5 sa Bell-John Spar, San Agustin kon sa diin indi magnubo sa 47 ang napatay nga suldado. Luwas sa isa ka tinyente kag isa ka *radioman* nga gilayon napatay sa liwat nga pag-isnayp sang BHB, 45 pang tropa sang kaaway ang napatay kag may di maisip nga napilasan sang sila-sila na ang nagluthanganay.

AB

Ngaa ginainitan ang Andap Valley?

Ang Andap Valley nga bugana sa duna nga manggad nalakip sa malapad nga lugar sa pungsod nga ginbukan sang rehimeng US-Arroyo para sa dalagkuan nga operasyon sang dumuluong kag kumprador sa pagmina kag pagtroso. Ang ginalunsar sang AFP nga dalagkuan nga operasyon militar sa lugar may tuyo nga hatagan-dalan kag proteksyunan ang mga kumpanya nga nagamina kag nagatroso diri.

Masobra 20 anyos na nga may daku nga interes ang mga higan-teng kumpanya sa pagmina sa Andap Valley. Sadtong 1980, nakakuha sang 6,000 ektaryang konseksyon ang Benguet Corp. para sa pagmina sang karbon sa mga banwa sang Lianga, San Agustin, Marihatag kag San Miguel. Pero napilitan nga isuspendi sang Benguet Corp. ang proyekto sadtong 1984 bangud sa pagpamatuk sang rebolusyonaryong kahublagan sa lugar.

Bunga sang pag-aprubar sang Korte Suprema sa Mining Act of 1995 sining Enero, nagplano liwat ang Benguet Corp. nga umpisahan liwat ang pagmina sang karbon sa lugar. May nagaluntad man nga eksplorasyon para sa karbon ang Philippine National Oil Corp. sa prubinsya. Naaprubahan man ang Mineral Production Sharing Agreement sang Hinatuan Mining Corporation para magmina sang nickel sa 2,426.51 ektaryas sa Hinatuan, Surigao del Sur.

Sa pagtroso naman, may lima

ka aktibong Timber Licensing Agreement sa rehiyon sang Caraga nga nagasakup sang 236,288 ektaryas. Ang tatlo ka pinakadaku nga kumpanya nga may TLA sa Caraga—ang Sudecor sang pamilya Puyat, ang Artimco sang pamilyang San Victor kag ang Picop Resources Inc. sang pamilya Bernardino—lunsay yara sa Surigao del Sur.

Sa ginasaligan nga daku nga kitaon sang rehimeng Arroyo sa pagmina kag pagtroso, nagabulag-bulagan ini sa pagpamuyong sang mga dumuluong kag kumprador sa mga dunang manggad kag sa kabuhi kag pangabuhian sang pumuluyo sa lugar. Ang mga lugar pareho sang Andap Valley nga ginbukas sa pagpamuyong sang mga dunang manggad amo subong ang ginaatake sang mapintas nga operasyong militar.

Ginasigahum sang AFP nga pinakadaku nga sablag sa pagpadayon sang malaparan nga pagmina kag pagtroso sa Andap Valley ang

ginapatihan sini nga mabaskog nga pwersa sang BHB kag malapad nga rebolusyonaryong baseng masadir. Para sa AFP, patimaan sini ang pagtambong sang linibo katawo sa selebrasyon sang ika-35 anibersaryo sang Partido sadtong Disyembre 2003; ang daku nga pagtilipon didto sang masobra 50 katapu sang midya, mga upisyal sang National Democratic Front-Mindanao kag pila ka kilala nga pulitiko sadtong Enero 2004 nga gintambungan sang maabot sa 2,000 pumuluyo; kag ang pagsaulog sang anibersaryo sang NDF sadtong Abril 2004 nga gintambungan man sang linio katawo.

Dugang diri, nag-angkon sang daku nga kalutusan ang AFP sa kamot sang BHB sa tunga sang paghuganas sang Oplan Lambat Bitag II sa Surigao del Sur. Maabot sa 52 ka suldado ang namatay sa ambus sang BHB sa Aras-asan, Cagwait sadtong Pebrero 1992 kag 60 ang kaswalti sadtong ulihi nga bahin sang dekada 1980. Napilitan nga mag-ebakwit ang linibu-libo nga pumuluyo halin sa kabukiran bunga sang malaparan nga pagpamomba kag iban pang paglapas sa tawhanon nga kinamatarung sa lugar.

AB

Sa daku nga kaakig sang mga suldado, mga wala inugbatu nga sibilyan ang ila ginpaukpan. Matapos mapatyan ang kaaway sang pitong tropa sadtong Mayo 2 sa Sabang River, wala pili nga nagpalupok sila sa kabalayan kag nagsunog pa sang lima ka balay sang masa sa lugar nga gin-awayan.

Matapos man mag-angkon sang daku nga kaswalti ang AFP sadtong Mayo 5 sa Bell-John Spar, anum ka adlaw nila nga ginpangbomba ang Andap Valley.

Sadtong Mayo 12 naman, isa ka sibilyan nga naganalan Jessie Bacasmas ang basta na lamang ginluthang sang mga suldado sa Km. 9 samtang nagasakay sa trak nga nagadala sang mga bakwit padulong Diatagon. Antes ini, tatlo ka grupo sang mga tropa sang kaaway sa Winford Line, San Miguel ang gin-isnayp sang BHB kon sa diin duha ka suldado ang napatay. Pareho sang una, nagluthangay liwat ang mga tropa, nga nagdulot sang indi maisip nga dugang nga kahalitan sa ila kubay.

Sa kabilugan, pito ka mangunguma ang arbitrario nga gin-aresto, anum ka balay ang ginsunog, pito ka mangunguma ang ginkuot kag wala pa makit-an kag masobra 3,000 residente halin sa anum ka munisipalidad ang napilitan magbakwit. Masobra isa ka gatos nga pamilya man ang nasamaran sang balay, pananum kag propyedad bunga sang pagpamomba kag istraping sang kaaway. Madamu pa nga ibang sibilyan ang gintortyur, pililit nga maggiya kag ginharas.

Ang solo nga naangkon sang kaaway amoang pagkadiskubre nila sadtong Mayo 11 sang kweba nga ginataguan sang BHB-PDC sang mga eksplosibo, mga kagamitan sa ordnans kag pila ka pusil nga samad nga nakatalana kay-uhon. Sa pihak sang kadakuon kag lapad sang operasyon militar, wala ni isa ka gerilya sang BHB ang napatay. Sa baylo, ang AFP ang nag-angkon sang dalagku nga kaswalti.

Napaslawan ang Oplan Nazareth, una sa tanan bangud sa malapad kag mabaskog nga suporta sang pumuluho sa rebolusyonaryong kahublagan. Indi gid tubtub san-o magmadinalag-on ang ano man nga operasyon sang kaaway nga wala sang iban nga tuyo kundi lapakan ang interes sang pumuluho.

May huyog man nga mapaslawan ang amo nga mga operasyon sang kaaway, bangud man sa kagarukan kag matingkad nga internal nga kahinaan sang AFP, lakip na ang mabaskog nga korapsyon nga dahilan sang mahina nga hilikuton paniktik, mahina nga gamit sa komunikasyon kag kakulangan sang suplay nga nagatuga sang manubo nga moral.

Ginalauman sang BHB kag sang mga rebolusyonaryong pwersa sa Surigao del Sur nga may masunod pa nga lebel nga mas masingki ang Oplan Nazareth. Sa mahaba nga kasaysayan sang kabaganihan kag kalig-on sang mga Pulang hangaway, mga rebolusyonaryong pwersa kag baseng masa sa lugar, pat-ud nga malutos liwat ang AFP sa liwat nga pagsalakay sang mga mga garuk nga pwersa sini. AB



Kumperensya sang rebolusyonaryong kahublagang pamatan-on-estudyante sa Mindanao, ginhiwat

Madinalag-on nga ginhiwat ang kumperensya sang rebolusyonaryong kahublagan sang pamatan-on-estudyante (RKPE) sa Mindanao sa isa ka lugar sa sentral nga bahin sang isla sadtong Mayo 10-17. Gintambungan ini sang 22 ka tiglawas sang RKPE halin sa lima ka rehiyon, istap sang Komisyon sang Partido sa Mindanao kag mga katapu sang pungsodnon nga buro sang Partido sa pamatan-on-estudyante.

Gintalakay sa kumperensya ang mga kadalagan kag malahalon nga halambalanon nga ginaatubang sang Partido nahanungod sa pagpasulong sang RKPE sa Mindanao kag gin-aprubahan ang mga tikang agud dugang mapapagsik ang pagpasulong sini.

Nakita sa pagtasar nga nakalatag na ang RKPE sa 125 mayor kag estratehikong buluthuan sa isla. Natukod diri ang mga rebolusyonaryong organisasyong masa sang pamatan-on-estudyante nga may pila ka



libo nga katapu kag may baseng masa nga nagaabot sa pila ka pulo ka libo. Madamu-damo sa mga eskwelahan nga ini ang maayo nga nakonsolida, sustenido nga nahulagan kag hugot nga ginakaptan ang mga malahalon nga organisasyon pangbuluthuan.

Indi lang mga kolehiyo kag unibersidad ang ginasakup sang RKPE sa Mindanao. Sakup man pati ang dalagku nga hayskul kag ang pila ka komunidad sang imol sa syudad.

Bisan gamay pa lamang ang ginapamunuan nga mga organisasyon kon ikumparar sa populasyon sang estudyante, epektibo nga nakapamuno ang mga rebolusyonaryong pwersa sa madinalag-on nga paghimakas sang mga pamatan-on-estudyante bahin sa mga mayor kag daku nga isyu sa buluthuan kon sa diin linibo nga estudyante ang nabeneplisyuhan. Halimbawa, sa ululupod nga paghulag batuk sa pagtaas sang matrikula sa pila ka eskwelahan, napanubo halin 15-20% pakadto 6-7% ang tantos sang pagsaka. May mga napunggan nga pagsukot sang indimatarung nga *miscellaneous fees* (sarising balayran) kag iban pa nga balayran kag sa pila ka kahigayunan nabalik sa mga estudyante ang kwarta nga ginkolekta. May araman nga napunggan nga di-matarung nga mga pagsulundan. Indi lang mga estudyante ang nabeneplisyuhan sa napadaug nga mga paghimakas, kundi pati mga manunudlo kag empleyado sang buluthuan.

Naamligan man ang kinamatarung sang mga estudyante sa pagtukod kag pagpadalagan sang ila mga konseho kag pahayagan. Madamu-damo nga aktibistang masa ang nagdaug sa mga eleksyon para sa konseho sang mga estudyante, kag sa madamu nga tion napadaku ang antad nila sa ila mga pangontra.

Bisan sa pila ka buluthuan nga ginapunggan ang mga kahilwayan sang mga estudyante, nakapamuno kag napahulag sang tago kag hayag ang mga pwersa sang RKPE sa isla. Matinugahon kag militante nila nga napamilit ang mga akademiko kag demokraticong kinamatarung sang mga estudyante.

Ang RKPE sa Mindanao nagapabilin nga yara sa unahan sang pagpasulong sa mga kinamatarung kag kaayuhan sang mga estudyante kag sa interes sang pamatan-on sa mga komunidad sang imol sa syudad.

Sa pagpasulong sang mga multi-sektoral kag nasyunal nga isyu, upod man sa mga nagapangunang pwersa ang mga elemento sang RKPE kag impluwensyadong masa sang pamatan-on. Ginatus-gatos, kag sa pila ka tion linibo, ang napahulag sa mga paghimakas nga ini. Sa nagligad nga elektoral nga paghimakas, linibo nga pamatan-on ang naorganisa kag napahulag. Hugot sila nga nakaangot sa mga paghimakas sang masang mamumugon, malaproletaryado, mangunguma kag iban pa nga ginahimuslan kag ginapigos nga sektor.

Matutom man ang mga pwersa

sang RKPE sa hilikuton propaganda kag edukasyon. Militante nila nga ginapalapnag ang pungsodnon-demokratikong linya sa mga buluthuan kag karsada sa tion sang mga demonstrasyon, rali, piket kag iban pa nga aksyong masa.

Madamu-damo man nga pamatan-on aktibista halin sa kasyudaran ang nag-entra na sa BHB kag sa kahublagang mangunguma sa kaumhan. Nakatindog na sa kaugalingon ang rebolusyonaryong kahublagan sa Mindanao sa pagpadala sang mga kadre kag aktibistang pamatan-on sa kaumhan. Daku ang mabulig sang mga ini sa nagakalain-lain nga rebolusyonaryong hilikuton sang BHB kag sang mga prenteng gerilya.

Sa sulod sang nagligad tatlo ka tuig, masobra 60 na ang pamatan-on halin sa kasyudaran ang nag-entra sa BHB. Maluwas pa ini sa masobra 160 nga nag-entra sang pila ka bulan agud magbulig sa mga rebolusyonaryong hilikuton sa kaumhan kag magpadalum sang paghangup sa demokratikong rebolusyon sang banwa.

Gindesisyunan sang kumperensya nga maglunsar sang dugang nga pagtinguha para palaparon kag pabaskugon ang Kabataang Makabayan kag organisasyon sang Partido sa tanan nga mga mayor kag daku nga buluthuan, palaparon ang mga ligal nga progresibo kag tradisyunal nga organisasyong pang-eskwelahan, papagsikon ang mga lokal kag sektoral nga paghimakas nga hugot ginaubayan sang pungsodnon-demokratikong linya kag papagsikon ang sustenidong edukasyong pangpulitika sa kubay sang mga kapot kag impluwensyadong organisasyong masa, pabaskugon pa ang padayon nga pag-angot sang paghimakas sang RKPE sa mga paghimakas sang basehang masa, kag padamuon pa ang numero sang pamatan-on nga mag-entra sa BHB. Dugang pa, may desisyon man nga sakupon ang madamu nga dalagkung hayskul kag mas dalagku nga numero sang pamatan-on sa mga komunidad sang mga imol sa syudad. **AB**



Duguon ang kamot ni Palparan sa Eastern Visayas

Bangud sa labi nga pagdugang kag pagsingki sang mga paglapas sa tawhanon nga kinamatarung sa Eastern Visayas (EV) halin sang gindestino diri si Brig. Gen. Jovito Palparan bilang bag-ong hepe sang 8th ID, ginaduso sang 12 kongresista sa rehiyon ang pag-imbetigar sini sa Kongreso. Nag-atubang sa Kongreso sadtong Mayo 31 ang pila ka biktima kag ila mga kapamilya, pila ka kongresista kag ang mga kilalang berdugo kag pasista sa EV pareho nanday Brig. Gen. Jovito Palparan, PNP Chief Supt. Dionisio Coloma, Col. Manuelito Usi kag Col. Bernard de Luna.

Sa pagbista sa Kongreso, ginpahayag ni Alex Lagunzad, pangkabilugang sekretaryo sang Katungod-Sinirangang Bisayas (Katungod-SB) nga may nalista nga 199 kaso sang nagakalain-lain nga paglapas sa tawhanong kinamatarung sa EV sa sulod lamang sang 86 adlaw halin nga namuno si Palparan sa 8th ID sadtong Pebrero 10. May 22 kaso sang pagsalbeyds sa panahon nga ini (katumbas sang lima kada bulan) kag 20 ka kaso sang pagkuot. May ara man 36 nga biktima sang istraping, pagpamomba kag wala pili nga pagpamaril, 13 biktima sang tortyur, 16 biktika sang pagpangbakol kag arbitraryo nga pag-aresto kag 17 biktima sang arbitraryo nga pagkahunong. Sa panahon nga ini nagabot sa 979 ang biktima sang pwersahang pagbakwit sa 21 komunidad sa mga banwa sang Calbiga, Taranigan, Motiong, Jiabong, Catbalogan kag Paranas, tanan sa prubinsya sang Samar.

Ang kabilugan nga numero sang nalista nga mga paglapas sa tawhanong kinamatarung sa sulod lamang sang kulang-kulang tatlo ka bulan nga pagpanerbisyo ni Palparan tumman kadaku kumparar sa 94 kaso nga nalista sa bilog nga 2004.

Mga testimonya. Nagtestigo si Amelia Dacut nahanungod sa pagpamaril kag pagpatay sang militar sa asawa nga si Atty. Felidito Dacut,

abugado sang Katungod-SB. Maabtik si Chief Supt. Coloma sa pagbalibad nga militar ang nagpatay kay Attorney Dacut.

Naghatag man sang testimonya sanday Alden Ambida nga provincial coordinator sang Bayan Muna sa Eastern Samar, Dario Tomada na tagapangulo sang Alyansa sa mga Maguuma alang sa Reporma sa Yuta (ALMARYU), Filomeno Salazar, Jr. nga tagapangulo sang Katungod sa prubinsya sang Leyte, kag si Alex Lagunzad. Ang apat nga upisyal nga ini sang lain-lain nga ligal nga organisasyon sa EV nangin biktima sang sunod-sunod nga tuyo nga pagpamatay sang militar sa mandu ni Palparan.

Si Ambida ginluthang sadtong Abril 9 sa Borongan, Eastern Samar. Nag-angkon siya sang apat nga igo sang bala.

Si Tomada naman ginkadtuan sa iya balay sa Leyte sining Mayo 6 sang nakamotorsiklo kag armadong mga lalaki. Sang magguwa ang bayaw ni Tomada sa balay, nasal-an ini nga target kag ginluthang.

Ginkadtuan naman sang mga armadong lalaki si Salazar sa ila balay sining Mayo 4. Napunggan ang pag-

sulod sang mga operatiba sa ila balay kag nagpinalagyo ang mga ini sang mag-abot ang mga pulis nga maabtik nga ginpangayuan ni Salazar sang tabang.

Si Lagunzad naman ginsundan sang mga armadong operatiba sang militar. Luthangon na tani siya ugaling wala nadayon ini bangud sa madamu sang tawo nga nakapalibot sa iya.

Suno man kay Lagunzad, pati *post office box* sang Katungod-SB ginabantayan sang militar "adlaw-adlaw kag oras-oras" para matiktikan ang mga katapu sang organisasyon nga nagakuha sang mga sulat. Dugang pa niya, pila ka adlaw antes patyon si Attorney Dacut, may nadakup ang mga pulis nga tatlong militar nga nagalibot-libot sa ila upisina.

Ginareport naman ni Concepcion de Luna, bokal sang prubinsya sang Samar kag *deputy secretary general* sang Bayan Muna sa EV ang kampanya sang militar para markahan siya sa publiko. Suno kay de Luna, nagpatawag sang miting ang militar sa mga barangay hall, kag diri ginsiling nga manugtunto kag di mapatihan si de Luna bangud tagasuporta kuno siya sang BHB.

Suno naman kay de Luna, amo man sini ang kampanya sang pagmarka sa target, nga paagi sa ginapatawag sang militar nga mga pulong-bayan, ang ginumpisahan sang pagpatay kanday Eden Marcelana, pangkabilugan nga sekretaryo sang Karapatan-Southern Tagalog kag Vice Mayor Juvy Magsino sang Naujan, Oriental Mindoro. Ang amo nga paagi sa pagtarget ang nangin pagsulundan sang militar sadtong nakadestino pa didto si Palparan.



Suno man kay de Luna, “kon pati mga lokal nga upisyal sang gubyer-no ginapaandaman sang militar, ano pa ayhan ang matabo sa ordinar-yong pumuluyo”?

Maisog naman nga gin-atubang sang asawa ni Jovito Velasco (isa ka biktima sang pagkuot) kag anak ni Patricio Abalos (biktima man sang pagkuot) ang mga pasista sa pagbis-ta kag ginpahayag ang ila testimo-nya. (Lantawon ang kaangot nga ar-tikulo.)

Pagbalibad, kabutigan. Wala sang huya ang pagbalibad kag pag-binutig ni Palparan kag sang mga kaupdanan niyang pasista sa mga testimonya kag akusasyon. Maisog ang apog ni Palparan nga hambalon nga wala naman sang pamatuod sa personal niya nga partisipasyon ukon sang iya mga tinawo sa mga krimen bisan sa umpisa pa lang sang iya pagdestino bilang kumander sang 8th ID ginpabutyag na niya sa radyo sa Tacloban City ang brutal ni-ya nga plano sang pagkuot sa pili nga mga tawo kag pagdunot sa ligal nga mga organisasyon. (Lantawon sa isyu nga Mayo 21, 2005 sang AB.)

Bisan nabrodka sa bug-os nga EV ang mga pahayag ni Palparan na-hanungod sa pagpauntat sa mga de-monstrasyon sang mga ligal nga or-ganisasyon batuk sa gubyrno, gin-apangin-wala gihapon ini ni Palpa-ran sa pagbista sang Kongreso. Ang BHB kuno ang ginsiling niya nga du-nuton kag indi ang mga ligal nga or-ganisasyon ukon mga ordinaryong pumuluyo. Pero ginahimutig ini sang nagahalaba nga mga listahan sang mga paglapas sa tawhanong kinama-tarung sang ga upisyal kag myembro sang mga ligal nga organisasyon kag mga ordinaryong pumuluyo sang EV. Wala pulos ang kabutigan ni Palpa-ran. Nakabonet man ukon wala ang mga manugpatay-tawo, nahibal-an sang mga pumuluyo sa EV nga mga tinawo sila ni Palparan. AB

Tuman nga kalakasan

Suno kay Elena, tiayon sang ginkuot nga si Jovito Velasco, sadtong Skaaganhon sang Abril 22 ginsulod sang mga militar ang ila balay sa Sinantan, Calbayog City kag gindakup ang iya asawa. Ginpahapa sang mga militar si Velasco, gintapak sa ulo kag ginsipa. Ginaakusar siya nga katapu sang BHB. Wala magsunod si Elena sa mandu sang militar nga magpangita siya sang higot panggapos sa iya asawa.

Sang makakuha sang higot ang militar, gingapos ang iya asawa kag ginguyod pagguwa, liwat ginsipa kag ginbunalan sang lubid. Ginhalughog sang mga militar ang balay para sa ginatago kuno nga baril ni Velasco. Gin-lapak-lapakan ang malimpyo nila nga bayu. Pagkatapos, nagpalupok sila sang pusil sa guwa sang balay. Ginsiling nila nga mga kaupdanan ni Velasco sa BHB ang nagpalupok gani pagapatyon nila si Velasco. Wala madayon ang pagluthang kay Velasco bangud ginkupkupan siya sang iya asawa. Gin-sakay si Velasco sa isa ka *multicab*. Nakita ni Elena sang dalhon ang iya asa-wa sa detatsment sang militar sa Barangay Hanmorawon. Ugaling sa su-bong ginapangin-wala sang militar nga ginkuha nila si Velasco.

Malig-on naman nga ginsaysay ni Cristina, anak sang 62 anyos nga si Patricio Abalos, kon paano gindukot ang iya amay halin sa ila balay sa Km. 2, Catbalogan, Samar sadtong gab-i sang Marso 28. May namu-tikan ang pamilya nga nagparada ang Toyota Revo sa atubang sang ila balay kag may nagpanaug nga mga lalaki. Nagguwa ang may balatian nga amay ni Cristina sa pagdumdom kakilala niya ang mga nag-abot. Ginpatumtuman sang pusil ang tigulang kag ginhunos sa sulod sang ap-at ka lalaki kadungan sang pagharurot sang salakyan sa direksyon sang banwa. Ginsundan pa ini sang isa ka motorsiklo.

Nagbalik ang mga suldado sadtong Marso 31, sa pagpamuno sang isa nga nagpakilala 2Lt. Wilbert Basquinas. Ginabalabagan sang iloy ni Cristina ang pagsulod sang mga militar sa ila balay. Ugaling nagpaan-dam ang mga ini nga kon indi sila pagpasudlon pagapatyon sila nga mag-iloy. Ginpatumtuman sang pusil ang iloy. Ginhalughog sang mga militar ang bilog nga balay kag ginsiling sa mag-iloy nga ipaggwa ang pusil ni Tay Patricio kon gusto pa nila siya makit-an. Nagbilin si Basqui-nas sang numero sang cellphone sa mag-iloy.

Nagkadto ang mag-iloy sa balay ni Kongresman Catalino Figueroa agud mangayo sang bulig. Gintawgan sang kongresista ang numero nga ginbilin ni Basquinas sa mag-iloy, ugaling ginkadlawan lamang siya sang pasista sang masugilanon ini. Matapos ini, ginpatawag ni Figue-roa si Palparan sa isa ka pagtipon-tipon sang mga alkalde sa balay ni-ya. Matapos ini, ginpatawag ni Figueroa si Palparan sa isa ka pagtili-pon sang mga alkalde sa balay niya. Ginkadtuan kag gin-atubang sang mag-iloy ang berdugo. Pero ginsiling lamang sini sa ila nga “Akuon mo na, misis, nga NPA ang asawa mo, para mabuligan ko kamo.” Ginpa-ngin-wala ni Palparan sa pagbista sang Kongreso nga may ginsiling si-ya nga amo.

Ginpamatud-an naman ni Kongresman Figueroa nga ginsiling nga gin-hambal ini ni Palparan sa mag-iloy. Padayon ang pagpamalibad sang ber-dugo nga ginkuot matuod nila ang tigulang. AB

Donato Continente, hilway na

GINHILWAY na sining Hunyo 28 si Donato Continente, isa sa ginsentensyahan sang reaksyunaryong korte kaangot sang pagpatay sang BHB sadtong 1989 kay Col. James Rowe, upisyal sang Joint US Military Advisory Group (JUSMAG). Ang JUSMAG isa ka ahensya militar sang US nga nagapasilabot sa Pilipinas.

Sa isa ka pahayag, ginsiling sang PKP nga samtang ginakalipay sini ang paghilway ni Continente, ginpatampok sang iya madugay nga pagkabilanggo ang lapnagon nga pagpamigos kag paglapas sa tawhanon nga kinamatarung sa sulod sang reaksyunaryong sistema sang hustisya. Ginapatingkad man sini ang pagpasilabot sang imperyalismong US pati sa pagpatuman sang hustisya sa Pilipinas.

Madugay na tani nga nahilway si Continente kon indi lang sa padayon nga pagpasilabot sang US sa iya kaso. Napulog anum (16) ka tuig siya nga ginhunong.

Nagapabilin pa sa bilangguan si Juanito Itaas nga upod niya ginsentensyahan sa kaso.

Implementasyon sang EVAT, ginpauntat

TEMPORARYO nga ginpauntat sang Korte Suprema ang implementasyon sang RA 9337 ukon *expanded value-added tax* (EVAT) law sadtong Hulyo 1 makaligad ang 18 oras pa lamang nga epektibidad sini. Ini ang sabat sang korte sa petisyon nga ginpasaka sang mga kongkresista, tagasuplay sang mga produktong petrolyo, mga grupo sang transportasyon kag mga progresibong partido.

Ginapamilit nila nga lapas sa konstitusyon ang paghatag kay Gloria Arroyo sang *standby authority* nga pataason ang VAT halin

10% padulong sa 12% sa masunod nga tuig, kag amo man ang pagsalot sang senado sang pila ka probsiyon sa layi nga solo ang kongreso lamang ang may kinamatarung.

Bunga sang mandu nga ini, napilitan ang natungdan nga mga ahensya sang gubyrerno nga imandu ang pagrolbak sa mga presyo sang mga produktong petrolyo kag pila ka mga serbisyo. Sa amo pa man, ang nasukot sang dugang nga EVAT indi ibalik sa mga nakabayad sini kag sa baylo kuhaon na sang gubyrerno.

Rehimeng Arroyo, sablag sa sugilanon pangkalinungan

LIWAT ginsablagan sang rehimeng Arroyo ang liwat nga pagbukas sang sugilanon pangkalinungan sa tunga sini kag sang National Democratic Front sang isahanon sini nga ginbag-o ang tingub nga pahayag sang duha ka peace panel sang NDFP kag pila ka kongkresista sadtong Hunyo 27.

Matapos ang malawig nga sugilanon, unilateral nga ginpanas sang rehimen halin sa gin-isahan nga pahayag ang mga isyu nga buot resolbuhon sang NDFP para sa pagpatayuyon sang sugilanon. Lakip sa mga halambalanon nga ini ang pagkuha sa PKP, BHB kag kay Jose Maria Sison sa listahan sang mga “terorista”; ang pagpilit sa NDFP nga mag-surender kag ang mga pamahug nga pagpatay sa mga konsultant sang panel sang NDFP.

Natabo ang pinakaulihi nga maniobra sa panahon nga naglupok na ang dalagku nga krimen sang rehimen kag nagabaskog ang panawagan nga maghalin si Arroyo sa poder. Bangud diri, nagpahayag ang NDFP nga kinahanglan anay tabugon sang pumuluyong Pilipino si Arroyo kag ang iya ultra-Tuo nga mga kahimbon sa labing madali nga panahon para mahatagan-dalan ang liwat nga pagbukas sang pormal nga sugilanon pangkalinungan.

Helikopter sang US, gintaktak sang mga gerilyang Afghani

NADUGANGAN ang sakit sang ulo sang gubyrernong Bush sang US sang pataktakon sang mga gerilyang Afghani ang MH-47 Chinook helicopter sa Shurak, Asadabad sa sidlangang prubinsya sang Kunar, Afghanistan sadtong Hunyo 28. Napatay ang 16 sa 20 tropa sang US Navy SEALs (Sea, Air and Land Special Forces) nga lulan sang helicopter.

Isa ang nakalibre samtang nabihag naman ang tatlo pa. Bilang balos, ginpangbomba sang mga pwersa sang US ang kabukiran sa palibot. Napulog pito ka si-

bilyan ang napatay sa pagpamomba, lakip ang madamu nga bata.

Ini na ang ikasiyam nga helicopter sang US nga napataktak sang mga gerilyang Afghani kag isa sa pinakadaku nga bunal nga naangkon sang mga pwersang Amerikano halin nga sakupon sang US ang Afghanistan sadtong 2001.

Ginakilala sang mataas nga upisyal sang US Army nga ini ang pinakadaku bunal sa mga pwersang Amerikano sa sulod lamang sang isa ka adlaw.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 13
Hulyo 7, 2005
www.philippinerevolution.org

Editoryal

Gamiton ang gahum sang banwa para sipaon ang rehimeng Arroyo

Hinihingi ng kasalukuyang sitwasyon ang ibayong sigasig sa pagtitipon ng nagkakaisang lakas ng mamamayan para hambalusin at tapusin na ang bulok at kinapopootang paghaharing Arroyo. Sa harap ng patuloy pa ring pangungunyapit ni Gloria Arroyo sa trono, umaalingawngaw ang sigaw ng bayan at inilulunsad ang mga malawakan at malakihang pagkilos para kagyat na wakasan na ang kasalukuyang naghaharing pangkatin.


Tumutungo ang sitwasyon sa pagsiklab ng panibagong malawakang pag-aalsang bayan para kamtin ang iginigiit ng mamamayan na kagyat na pagbabago. Nagsisilbing napakainam na kalagayan din ito para sa pagpapabilis ng pagsusulong ng demokratikong rebolusyong bayan at pagtung-tong nito sa mga susunod na baitang ng kasalukuyang yugto ng digmang bayan.

Matinding ikinagagalit ng mamamayan ang ipokritang pag-amin ni Arroyo na kanya nga ang boses ng babaeng nasa mga teyp ng Gloriagate na kumausap sa isang opisyal ng COMELEC gayundin ang pilipit niyang pagtanggap dinaya nila ang resulta ng nakaraang halalan. Bago pa ito, malaon

na ring kinasusuklaman ng mamamayan ang mga pagbigat na patakaran sa ekonomya ng rehimeng Arroyo na nagbubunsod ng labis na paghihikahos at ang papatinding panunupil sa mga pwersang tumututol dito.

Sa harap ng mga ito, kabi-kabila ang mga manio-brang ligal at pulitikal ng rehimeng Arroyo para guluhin at pahupain ang isyu, maglubid ng higit pang mga kasinungalinan, lituhin at linlangin ang mamamayan, ikutan ang mga batas at proseso ng hustisiya at sa kalauna'y mapawalang-sala si Arroyo. Habang ipinupursige ng mga pwersang anti-Arroyo ang mga prosesong parlamentaryo kabilang ang pagsasagawa ng mga pampublikong imbestigasyon, tusong pinagsisikapang barahin o maniobrahin ang mga ito ng mga alipures ni Arroyo sa kongreso at iba pang instrumento ng reaksyunaryong gubyrerno.

Sa harap ng mga panlinlang, pagmamaniobra at pagmamatigas ni Arroyo, nasapul ng mamayang Pilipino ang pangangailangan para sa kanilang tuwirang pagkilos at paggamit sa kapangyarihan ng bayan upang patalsikin siya sa poder. Isinusulong ngayon ng iba't ibang pwersa ang lahat ng posibleng paraan upang isiwalat ang katoohan hinggil sa mga krimen ni Arroyo.



Mga tampok sa isyu nga ini...

Ilisipon na ang adlaw ni Arroyo sa Palasyo
PAHINA 3

70 armas naagaw sg BHB sadtong Hunyo
PAHINA 4

Duguon ang kamot ni Palparan sa Eastern Visayas
PAHINA 6

Mga instruksyon sa pag-imprenta

1. Ang pahina 13, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.
2. Pag-imprenta sa istensil:
 - a) Sa *print dialog*, i-check ang **Print as image**
 - b) Kuhaon ang *check* sa **Shrink oversized pages to paper size**
 - k) I-click ang **Properties**
 - d) I-click ang **Advanced**
 - e) Siguruhon naka-set sa 100% ang **Scaling**
 - g) Padayunon ang *pag-print*
3. Ginabuyok ang mga kaupod nga ipaabot sa patnugutan sang *AB* ang anuman nga problema kaangot sa pag-imprenta paagi sang *v-type*. Magpadala sang *e-mail* sa *ang-bayan@yahoo.com*.